

ЕРТІС

ПАВЛОДАР ОБЛЫСТЫҚ

ҚОҒАМДЫҚ ГАЗЕТ 1999 жылдан бастап шығады

№07 (77). 2008 жыл. 23 қыркүйек

ДИДАРЫ

БЕЛСЕНДІЛІК ЖАҒДАЙДЫНДА

Саяси оқу жүйесіндегі қорытынды сабақтарға Черноярка ауылшаруашылық өндірістік бірлестігі партия ұйымы ерте әзірленді. Негізгі кәсіпорындағы бастауыш саяси мектептің тыңдаушыларына «Кемелденген социалистік қоғамды құру — совет халқының қажырлы еңбегінің маңызды қорытындысы» деген тақырып ұсынылған екен. Қорытынды сабаққа коммунистердің бәрі де келді. Насихатшы, бірлестіктің бас агрономы Г. Н. Жданов біздің елімізде социализмді орнатудың негізгі кезеңдерін айтып берді. Оны тыңдаушылар Н. А. Логинов, И. Ф. Винокуров, И. А. Класс және басқалары толықтырды.

Кемелденген социализм экономикасының ерекшеліктері, әсіресе ауыл шаруашылығын өркендету мәселелері туралы әңгімелегенде тыңдаушылар жергілікті материалдарды орынды пайдаланды. Ауыл шаруашылығының қазіргі материалдық-техникалық базасы өндіріс тиімділігін арттыруға толық мүмкіншілік беретіндігін әңгіме арқауы етті.

— Біздің кәсіпорын 1200 гектар жерге картоп өсіреді. Қуатты машиналар комплексін пайдаланбайынша мұншама көлемде картоп

өсіру оңайға түсер ме еді? — деді насихатшы Жданов жолдас. — Бізде картоп өсіру толық механикаландырылып отыр. Сондықтан да оның өзіндік құны арзан болуда.

«Ауыл шаруашылығы өндірісін ғылыми басқарудың негіздері» теориялық семинарында да сабақ қызықты да мазмұнды өтті. «Басқарудың автоматты жүйесі», «КПСС XXV съезі ауыл шаруашылығы өндірісінде кадрларды іріктеу және тәрбиелеу туралы» және басқа да мәселелер жөнінде тыңдаушылар келелі әңгіме қозғады. Тыңдаушылар Ф. Ф. Кузьмин, С. С. Ахметов өз сөздерінде бұл мәселелер туралы жан-жақты тоқталды. Ал Т. Қожықов әзірлеген реферат мазмұндылығымен сабаққа қатысушыларға ұнады. Ол рефератында бірлестіктің 1976 және 1977 жылдардағы энергетика қызметіне талдау жасады. Оны талқылауға тыңдаушылардың көпшілігі қатысты.

Насихатшы В. М. Симонов сабақты іскерлікпен жүргізе білді. Қорытынды сабаққа семинарда оқитын 24 тыңдаушы түгел қатысты.

**М. ӘБДІРАХМАНОВ.
С. НЕВМЕРЖИЦКИЙ.**